



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

Sa cantada de Santa Brabara 2023

Ocannu a pustis de is annus de sa pandemia est torrada sa "cantada de Santa Brabara", in atigòriu custu fiat unu eventu de spantu mannu e famau in totu su campidanu.

Is cantadoris chi si funt esibius in su palcu funt stètius is sinniesus Daniele Filia, Antonello Orrù e Paolo Zedda e su quartesu Marco Melis acumpangiaus de sa ghitarra de Stefano Campus.

Is cantadoris ant fatu duus girus a versus, su primu giru est stètiu fundau de Danieli Filia cun su versu:

"A connotus e no connotus

No ndi pretendu is vantus

Nc'at a chini no creit in is santus

Ma finas is chi funt devotus"

In s'interis de sa cantada si chistionat difatis de unu chi at fatu unu miràculu de pagu tempus, chi at fatu torrai biu unu mortu, chi at fatu su pròpiu miràculu de ocannu puru in su tempus de s'89 a su 91 e chi benit de Roma. Sa punna est sèmpiri cussa po is cantadoris chi cantant impari a issu e po su pùbricu puru: cussa de intzertai de ita o de chini s'est chistionendi.

A s'acabu Filia at scubertu su tema cun su versu:

"Filia Brabara dda pregat

Ma ddu fait de candu fiat piticheddu

Ma chini de bosu oi ddu negat

Su chi at fatu Ranieri po su Casteddu"

Si fiat chistionendi de Claudio Ranieri e de comentis at fatu su "miràculu" de portai de sa serie B a sa serie A su Casteddu ocannu aici comentis iat fatu passendi de sa serie C a sa serie A me in is annus 89/91.

Su segundu giru est stètiu fundau de Zedda cun su versu:

"In sa filla de Gioachinu e Anna

S'Eternu Urrei si fiat incarnau

De ajajus mius apu ereditau

una domu bella acollienti e manna"

Custa domu in s'interis de sa versada di benit a sciri chi est bella meda, prena de giardinus, funtanus ma tenit probremas mannus puru: aliga, impiantus idricus chi no andant, sa centralina guasta e atras cosas puru. A s'acabu Zedda cantat:

"Imoi saludeus cun premura

Ca est finia sa fingia gherra

E a chini su coru at obertu

Ndi tengat gràtzias a su crocifissu

Imoi saludeus cun premura

Sa domu mia est su pianeta terra

Agiudaisi o Barbara a ndi teni cura"

Nc'at perou atrus duus peis de sterrina de cuberri e difatis Zedda cantat ancora:

"A chini su coru at obertu

S'ùrtima preghiera nosta est po issu

Oi lompiat a is annus Don Albertu"

Unu arregordu po Don Alberto, su predi chi fiat mortu tragicamenti in su Poetu in su 2021 e chi fiat pàrrocu in Sìnnia e chi in sa dii de sa cantada, su 15 de Argiolas iat essi fatu 44 annus.

Is atrus catadoris puru a s'acabu de su segundu giru ant fatu unu versu dedicau a Don Alberto saludendiddu.

Atrus annus a su comitau sèmpiri cun custa bella tradizioni nosta de is poetas.